



გ ა ნ რ ი ნ ე ბ ა
(საქართველოს სახელით)

06 აპრილი, 2011 წელი

ქ. თბილისი

**თბილისის სააპელაციო სასამართლოს
ადმინისტრაციულ საქმეთა პალატა**

მოსამართლე – მანანა ჩოხელი

აპელანტი – კინიაზ მამედოვი

წარმომადგენელი – გელა გელენიძე

მოწინააღმდეგე მხარე – საქართველოს იუსტიციის სამინისტროს საჯარო რეესტრის ეროვნული სააგენტო

მოწინააღმდეგე მხარე – საქართველოს იუსტიციის სამინისტროს საჯარო რეესტრის ეროვნული სააგენტოს გარდაბნის სარეგისტრაციო სამსახური

მესამე პირები – დეკლი მამედოვა, ნატა ანჩიბაია, ლელა ტატიშვილი, თინათინ ხვედელიძე, გიორგი შარაბიძე

დავის საგანი – ადმინისტრაციულ-სამართლებრივი აქტის ბათილად ცნობა და ადმინისტრაციულ-სამართლებრივი აქტის გამოცემა

გასაჩივრებული გადაწყვეტილება – თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 23 თებერვლის გადაწყვეტილება

აპელანტის მოთხოვნა – გასაჩივრებული გადაწყვეტილების გაუქმება და ახალი გადაწყვეტილების მიღებით სარჩელის დაკმაყოფილება

ზეპირი მოსმენის გარეშე განიხილა სასამართლო შეტყობინების საჯაროდ გავრცელების საკითხი და

გ ა მ ო ა რ კ ვ ი ა :

თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 23 თებერვლის გადაწყვეტილებით კინიაზ მამედოვის სარჩელი არ დაკმაყოფილდა. გადაწყვეტილება სააპელაციო წესით გაასაჩივრა მოსარჩელემ და მოითხოვა გადაწყვეტილების გაუქმება და ახალი გადაწყვეტილების მიღებით სარჩელის დაკმაყოფილება.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 06 აპრილის განჩინებით დაინიშნა საქმის ზეპირი განხილვა – 2011 წლის 27 აპრილს, 11:00 საათზე, სხდომის დარბაზი №14.

საქმის მასალების გაცნობის შედეგად, სააპელაციო პალატა მიიჩნევს, რომ საქმეში მონაწილე მესამე პირებისთვის სასამართლო სხდომის დღე ცნობილი უნდა გახდეს სასამართლო შეტყობინების საჯაროდ გავრცელების საშუალებით, შემდეგ გარემოებათა გამო:

დადგენილია, რომ პირველი ინსტანციით საქმის წარმოების დროს მესამე პირებს: დეკლი მამედოვას, ნატა ანჩიბაიას, ლელა ტატიშვილს, თინათინ ხვედელიძეს, გიორგი შარაბიძეს არ ბარდებოდათ სასამართლოს გზავნილები.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78.1-ე მუხლის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით, ან დაინტერესებული მხარის მოთხოვნის შემთხვევაში, მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

თბილისის სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დანაწესი, რის შედეგადაც მიიჩნევს, რომ მართლზომიერია საქმეში მონაწილე მესამე პირებს სასამართლო სხდომის დღის შესახებ ეცნობოთ სასამართლოს ვებგვერდზე განთავსებით.

ზემოაღნიშნულის თანახმად, თბილისის სააპელაციო სასამართლოს ადმინისტრაციულ საქმეთა პალატას საქართველოს სამოქალაქო საპროცესო კოდექსის მე-200.1 მუხლის საფუძველზე, საქმის მომზადების მიზნიდან გამომდინარე, რითაც უნდა მოხდეს ერთ სასამართლო სხდომაზე საქმის დამთავრება და საქმის განხილვის უსაფუძვლო გაჭიანურების თავიდან აცილება, მართლზომიერად მიიჩნევს, მესამე პირების გაფრთხილებას სასამართლო სხდომის დღის შესახებ საჯარო შეტყობინების საშუალებით.

სააპელაციო პალატამ იხელმძღვანელა საქართველოს ადმინისტრაციული საპროცესო კოდექსის პირველი, საქართველოს სამოქალაქო საპროცესო კოდექსის 372-ე, 78-ე, მე-200 და 284-285-ე მუხლებით და

და ა ა დ გ ი ნ ა:

1. მესამე პირებს: დეკლი მამედოვას, ნატა ანჩიბაიას, ლელა ტატიშვილს, თინათინ ხვედელიძეს, გიორგი შარაბიძეს სასამართლო შეტყობინების საჯაროდ გავრცელების საშუალებით ეცნობოთ, რომ კინიაზ მამედოვის სააპელაციო საჩივრის ზეპირ განხილვაზე დაბარებულები არიან მესამე პირების სახით თბილისის სააპელაციო სასამართლოში **2011 წლის 27 აპრილს 11:00 საათზე**, მისამართზე - თბილისი, გრ. რობაქიძის გამზ. №7ა, სხდომის დარბაზი №14;
2. სასამართლო შეტყობინება განთავსდეს თბილისის სააპელაციო სასამართლოს ვებგვერდზე;
3. განჩინება არ გასაჩივრდება.

მოსამართლე

მანანა ჩოხელი